

جَزَائِرَ عَمَّاكِرَ

جمعه ايرتسی

نومرو	جاذی الاخر	سنه	كانون اول	سنه	صحیفه
۷۴۸	۷	۱۳۱۱	۴	۱۳۰۹	۱۱۰۸۵

(اشوغزته بهر هفته جمعه ايرتسی کونلری چیقار . سنه لکی در سعادت ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخہ سی ینہ مجیدیه یکریمی غروش اولوق اوزره یوز پاره به هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمیرتی

و موازنه قانونی احکامنجه ممنوع بولندیغی حالده
 ینہ بعض دوائر جه اره صره بودجه یه ضمیمه
 و یاخود موازنه ده محرر ترتیب مخصوصنک
 محتمل اولیه جنی صورتده صرفیات اجراییچون
 مراجعتلر وقوع بولمقده اولوب حالبوکه امور
 مالیه نك تأمین حسن دورانی ایراد و مصرف
 حد توازنه ایصالنه و بودخی وارداتك حسن
 جبا یئیلہ برابر قارشو لقسز صرفیاته میدان ویرلما سی
 قاعده معتنا به اسنك دوام مرعیتی اسباب نك
 استکمالنه منوط اوله رق بعدما بومثللو مراجعتلر
 معامله سی یوریدلمیه رك حفظی مقرر بولنمش

(فی ۴ جمادی الاخر سنه ۳۱۱ وفی ۱ کانون)
 (ثانی سنه ۳۰۹ تاریخنده بالجله ولایات استیناف)
 (محکمه سی مدعی عمومیلرینه و مدعی عمومی)
 (بولنمیان محاکم مدعی عمومی معاونلرینه)
 (یازیلان تحریرات عمومیہ صورتیدر)

بودجه خارجنده قارشو لقسز مصرف
 اختیاری ارادات سنیه حضرت خلافتناهی

اولدینی بیان عالیسیله صرفیات خصوصنده خلاف قرار وقاعده حرکت و مراجعتدن توقی ایدلمسی بوکره باتذکره سامیه امر و اشعار بیورلمش و لازم کلانلره تبلیغ اولنمق اوزره اشبو تحریراتک نسخ مطبوعه کافیه سی لفاً ارسال قلمش اولمقله اکا کوره ایفای معامله به همت .

(فی ۹ جمادی الاخر سنه ۳۱۱ و فی ۶ کانون)
(اول سنه ۳۰۹ تاریخده بالمله ولایات استیناف)
(مدعی عمومیلرینه و مدعی عمومی بولنمیان)
(محللر مدعی عمومی معاونلرینه یاز یلان)
(تحریرات عمومی صورتیدر)

تحت محاکمه النان مأمور مظنونك حقوق عمومی و یا شخصیه دن تبریه ذمت ایتکسزین وفاتی وقوعنده تبریه ذمت ایتمش حکمنده طوتیلر ق تحت محاکمه بولندینی مدت معاشی نصفنك اعطا اولنه جفته دائر برکونه صراحت

نظامیه یوغیسه ده برائت ذمت اصل اولسنه کوره علیه اقامه اولنسان حقوق عمومی دعواسی نتیجه یزیر اولمقسنزین وفات ایدنلره بری الزمه نظر یله باقلمق لازم کله جکندن بومقوله لرك تحت محاکمه ده بولندقلری مدت معاش نصفنك ورثه سنه اعطاسی و حقوق شخصیه دعواسنه کنبجه بوحالده دخی مذکور نصف معاشك اعطاسی ایجاب ایدر ایسه ده او مثلولرك كرك حقوق خزینه و كرك حقوق شخصیه سائر دن طولایی وارثلری علیه نه اقامه دعوی اولنمق طبیعی بولندیقندن ورثه علیه نه اقامه اولنه حق اشبو دعوی اوزرینه لاحق اوله حق حکمه کوره داینلره و یا خود ورثه ویرمك اوزره محکمه جه حکم لحوقنه قدر مذکور نصف معاشك موقوف طوتلمسی لازم کله جکندن اکا کوره ایفای مقتضاسی بوکره باتذکره سامیه امر و اشعار بیورلمش و لازم کلانلره تبلیغ کیفیت اولنمق اوزره اشبو تحریراتک نسخ مطبوعه کافیه سی لفاً ارسال قلمش اولدینی بیانیله شقه .

قسم غیر رسمی

قره سی بدایت محکمه سندن ۲۵ شباط سنه ۳۰۷ تاریخی و یوز قرق بر عددی ایله صادر اولان اعلامك تمیزینی کونان قضاسی داخلنده صاری قریه سنده کائن مصرلی اوغلی علی افندی باعرضحال استدعا ایتدیکی حالده یوم معینده دائره کلبوب بمیز علیه قریه مذکور اهالیسندن قوری اوغلی حسن اغا و کیلی اسماعیل حق افندی ورود ایتمش اولمسیله ایضا حات شفاهی سی استماع قلدقدن صکره تدقیقات تمیزیه اجرا سنه ابتدار اولندی .

اعلام مذکورك خلاصه مالی مرقوم حسن اغا ذمتنده جهت کفالتدن الاجنی اولان یوز الی کیله حظه و یوز کیله شعر و سکسان کیله مصرایله درتیوز عدد سیم محیدیه و بیک التمش غروش مصارفك تحصیلی حقنده مزبور علی افندیك اقامه ایلدیکی دعوایه قارشو مرقوم حسن اغانك ذخائر و مبالغ مدعا بهادن طولایی مدعی مرقومك وکیل عمومی سی ابراهیم بك ایله بدل معلوم مقابله

صلح و ابرا اوله رق بدل صلحی وکیل مومی الیه تسلیم ایتمش اولدینی کیلی اولبایده بر قطعه سند دخی التمش ایسه ده ضایع ایلدیکی بولنده درمیان ایلدیکی دفع دعواسنی اثبات ضمتنده اقامه ایلدیکی ایکی نفر شاهددن بریسی شایان قبول کوریه مبهرك دیگر شاهد اقامه سی حقنده ویریلان قراری حاوی کونان بدایت محکمه سندن صادر اولان اعلامك محکمه مذکور جه استینافاً فسخیله جریان ایدن محاکمات و تدقیقات نتیجه سنده مدعی به ذخائر و مبالغدن طولایی مدعی و کیلی ابراهیم بك ایله مدعی علیه ك صلح اولدقلری شهود مرقومه ك بالقبول امر تزکیه لرینك اجرا سندن صکره استماع قلمن شهادتلر یله تبیین ایتسنه مبنی مدعی مرقومك رد ادعاسنه حکمدن و مستدعی تمیزك اشبو اعلام علیه نه لایحه سنده محرر باشلوجه اعتراضاتی کندوسنك وکیل عمومی سی اولدینی ادعا قلمن ابراهیم بك صلح و ابرایه و کالتی اولوب اولدینی تدقیق اولنمقسنزین بر منوال محرر حکم اعطا قلمسی مغایر قانون اولدیقندن بحثله اعلامك نقضی استداسندن و بمیز علیه وکیلنك نتیجه جوابی دخی اعتراض مذکور غیر وارد بولندینی بیانیله ردی و موافق اصول و قانون اولان اعلامك تصدیق طلبندن عبارت بولنشدر .

حقیقت چیه حق طرفه رجوع ایتک اوزره اول
امرده مستدعی تمیزدن السنه ۲۰ تموز سنه ۳۰۹
تاریخنده متفقاً قرار ویرلهرک نفهم قلندی .

چکمه صغیر بدایت محکمه سندن ۲۶ تشرین
اول سنه ۲۰۸ تاریخی و قرق الی عددی ایله اعطا
قلنان اعلامک تمیزی استعدا ایدن مالیه خزینه
جلیله سی دعاوی وکیلی منصور بک ایله تمیز علیه
مقری قریه سنده زیتونک نام محله کائن خانه سنده
مقیم ملتزم احمد حمدی افندی یوم معینده دائره یه
کلکرنندن ابضاحات شفا هیله لریله باش مدعی
عمومی معاونلرندن سعادتلو یورغاکی افندینک
مطالعہ سی استماع قلندن صکره تدقیقات تمیزی
اجرا سنه ابتدار اولندی .

اعلام مذکورک خلاصه مالی مومی الیه
حمدی افندینک اوچوز درت و بش سنه لرینه
محسوباً جانب میریدن اعشارینی درعهده و التزام

ایجابی مذاکره اولندقدہ اعلام مذکور
مطالعہ سندن منفهم اولدینی اوزره طلب وادعا
اولنان ذخائر و مبالغ مذکورده دن طولانی مدعی
من بور طرفندن وکالت عمومیه سنه استناداً عقد
صلح ایلدکاری مدعی علیه حسن اغا طرفندن بیان
اولنان ابراهیم بک فی الحقیقه عقد صلحه وکالتی
حائز اولوب اولدینی و صلح مذکور کی حاوی
الزوب ضایع اولدینی مدعی علیه
بیان ایتش اولدینی سندک ویریلوب ویرلیدیکی
وویرلیدیکی حالده ضایع اولدینی خصوصاً لرینک
اصولی دائره سنده تحقیق و تدقیق ایدیلهرک تبیین
ایدیلهرک حاله کوره شاهد استماع قلنسی لازم
کاور ایکن بوبولده برکونه تدقیقات اجرا
اولنقسزین وقوع صلحه شهود استماعیله برمنوال
محرر قرار ویرلسی یولسز و قانونه مغایر
و مستدعی تمیزک اعتراضی دخی بو جهته متدار
اولهرق موافق نفس الامر اولدینغه بناء اصول
محاکمه حقوقیه قانونک ایکوز اوتوز ایکنجی
و ایکوز قرق برنجی ماده لری موجبجه اعلام
مذکورک نقضیله قانون من بورک ایکوز قرق
دردنجی ماده سنه توفیقاً کیفیتک صور مشروحہ
دائره سنده بالریه اعلامه ربطی ضمننده محکمه
مذکوریه اعاده سنه وزیرده مفرداتی مرقم درت
یوز طقوز یحقیق غروش مصارف محاکمه نک ایلروده

ایتش اولدینی طوبقو و جوار کی محللر داخلنده
کائن متوفی مدحت پاشا ورثه سنک متصرف
اولدق لری بر قطعه باغک عشرندن طولانی
مستأجری طاهر نام کسنه ذمتنده الاجفی بولنان
ایکی بیک التیوز سکسان سکر غروشک استیفاسی
ضمننده مستأجر مرقوم علیه اقامه ایلدیکی
دعوی اوزرینه مذکور باغک عشر ایله مکلف
بولندینی جهته رد دعوا سیله مبلغ مدعا بهک التزام
مذکوردن طولانی خزینیه اولان دینندن
لزوم تزیلنه قرار ویرلش اولدینی حالده مبلغ
مذکورک جانب خزینهدن طلب ایدلمکده
اولدینندن بخله دیون متباقیه سندن تزیلی دعوی
ایتسنه قارشو خزینه مشار الیها وکیلی دخی
مرقوم طاهرک تحت استیجارنده بولنان باغ
اوچنجی دائره یه مربوط اولهرق بشقه بر باغ
اولدینغی و بناء علیه ملتزم مومی الیه مستأجر
مرقوم بیننده کی دعوا یه دائر لاحق اولان حکمک
بودعوا یه شمولی اولدینغی سوبلش ایسه ده دفع
واقعی اوراق رسمیه و قیود صحیحه ایله اثبات
ایده مامش و ملتزم مومی الیهک ابراز و استناد
ایتش اولدینی اعلام مندرجاتنه نظراً عشری طلب
اولنان باغک اوچنجی دائره یه مربوط بولندینی
اکلا شلمش اولدینغه بناء سالف الذکر باغک

ایجابی مذاکره اولندقدہ اعلام مذکور
مندرجاتندن مستفاد اولدینی اوزره مومی الیه

مصارف تمیزیه نك ایلروده حقسز جبقه جق طرفه رجوع ایتك اوزره اول امرده مستدعی تمیز خزینه مشار الیهادن النسنه ۲ اغستوس سنه ۳۰۹ تاریخده متفقاً قرار ویریه رك تفهیم قلندی .

سینوب بدایت محکمه سندن ۴ تشرین ثانی سنه ۳۰۶ تاریخی و قرق بر عددی ایله استینافاً ویریلان اعلامك تمیزی استدا ایدن بوی اباد قضا سئك بکران قریه سی اهالی سندن قره کوز اوغلی خلیل و کامل مصطفی اوغلی حسن اغارایله تمیز علیهم قضاء من بورك نیکی بلش قریه سی اهالی سندن کور بکر اوغلی حسین و مصطفی و عبده و قو حچار اوغلی حسین اغار یوم معینه دائره یه کلدکری کی جواب لایحه سی دخی ویرمدکرنندن باش مدعی عمومیلک مأموریت علیهنك مطالعه نامه سی النهرق اصول محاکمه حقوقیه قانونك ایکوز بکر می طقوزنجی ماده سی موجبجه تدقیقات

حمدی افدینك عهداً التزامده بولسان محللر داخلنده اولدینی حالده عشر ایله مکلف اولدینی تحت حکمه النسیله اعشارینی استیفا ایده مدیکنی بیان وادعا ایلدیکی باغك بشقه بر باغ اولدینی اثنای محاکمه ابتدائیه ده خزینه جلیله وکیلی جانبندن ادعا قلنمش اولسنه کوره محکمه جه عشری منازع فیله اولان باغك مانزم مومی الیه اعشاری احواله قلنان محللر داخلنده اولوب اولدینی تحقیق ایدیلرک نتیجه حاصلیه کوره حکم ویرلک لازم کلور ایکن اولسایده برکونه تحقیقات اجرا قلنمشین ملتزم مومی الیهك قول مجردی اوزرینه مذکور باغك عشرینك بدل التزامدن تیرینه قرار ویرلسی تدقیقاتجه نواقصدن معدود اوله رق یولسز و اصول و قانونه مغایر و مستدعی تمیز خزینه مشار الیه وکیلک اعتراضیه معاون مومی الیهك معالعه سی دخی بوجهته متدائر اوله رق موافق نفس الامر کورندیکنه بناء اصول محاکمه حقوقیه قانونك ایکوز اتوز ایکنجی ماده سی موجبجه اعلام مذکورك نقضیه قانون مذکورك ایکوز قرق دردنجی ماده سی حکمه توفیقاً کیفینك صور مشروحه دائره سنده یکدن بالرؤیه اعلامه ربطی ضمنتده محکمه مذکوریه اعاده سنه وزیرده مفرداتی مرقم اوچوز الی طقوز ببق غروش

تمیزیه اجرا سنه ابتدار اولندی .

اعلام مذکورك خلاصه مالی بکران قریه سی داخلنده دو ما نام محله کائن ارکک پرنالانی نامیه معروف وکندی قریه لرینه مخصوص اولان مرعایه نیکی بلن قریه سی اهالی سندن کور بکر اوغلی مصطفی و رفقای جانبندن وقوعبولان مداخله نك منعی قریه مذکوریه اهالی سی وکیلک طلب و دعوی و مدعی علیهم دخی محل مذکور مرعی اولیوب کندولرینك زراعتلرینه مخصوص ترلا اولدینی مدافعه بیان و انبایله طایو سنداتی ابراز ایتشلر ایسده سندات مذکوریه محله ده بیان اولنان معمول به قیود دفتر خاقانیدن اولیوب محل مذکورك بکران و دیگر قری و قصبه اهالی سی حیواناتك رعینه مخصوص مرعی اولدینی اجرا قلنان کشف و تحقیقات واستماع اولنان شهودك شهادتیه ثابت اولسنه منعی مدعی علیهمك منع مداخله سنه دائر بدایه ویریلان اعلامك عندالاستیناف فسخیه اجرا قلنان تدقیقات استینافیه نتیجه سنده مرعی اولدینی ادعا اولنان محلك بکران قریه سنه بر ساعت مسافده واقع اولسی و قریه مذکوریه مخصوص آبروجه مرعی بولنسی حسبیه محل مذکور مرعی اولیوب

اراضی قانون نامه سئك التیجی و یوزا و چنجی ماده لر ی موجبجه اراضی موآذن اولدینی جهته مستأفقر یدینه نصر فی حاوی طابو سنداتی ویرلش و مذکور طابو سنداتك وثوق واعتماد شایان اولدینی ایجاب ایتدیرر برکونه اماره بولنمدینی کی حق قرار دخی تظاهر ایتش اولدیفندن مستأف تف علیهمك مداخله لرینك منعیله مستأفقر طرفندن طول مدت زراعت ایدیلرک معطل قلان اراضی حقتده صاحب ارض وکیل طرفندن اقتضا ایدن معامله نك اجراسی لازمکله چکنه حکمدن و مستدعی خلیل و حسن اغارک اشبو حکم علیهنده لایحه لرنده محرر باشلوجه اعتراضلری محل منازع فیله قریه لرینه مخصوص مرعی اولدینی من القدیم مشهور و معروف اولوب مذکور مرعادن بشقه مرعاری بولنمدینی حالده محکمه استینافیه جه بشقه مرعاری بولنمدینی کوستریلرک بر منوال محرر قرار ویرلسی مغایر قانون اولدیفندن بحتله اعلام مذکورك نقضی استدعا سندن و معاون مومی الیهك مطالعه سی دخی اهالی قریه نك قوم محصور اولوب اولدیفنك تحقیقیله قانون دائره سنده تشکیل طرفین ایدلماش و کشف واقع قانون دائره سنده اجرا اولنمیوب تبلیغات قانونیه دخی اجرا قلنماش اولسنه منعی اعتراضات واقعه نك موافق قانون

مرقم یدییوزاون بچق غروش مصارف محاکمه نك
ایلروده حقسنز چیقہ جق طرفہ رجوع ایتک اوزره
اول امرده مستدعی تمیزلردن النسخه ۲۲ تموز
سنه ۳۰۹ تاریخده متفقاً قرار ویرلدی .



بیغا بدایت محکمه سندن ۲ تموز سنه ۳۰۷
تاریخی ویکرمی ایکی عددی ایله ویریلان اعلامک
تمیزینی استدعا ایدن بیغا قضاسنه تابع کوچ قریه سی
اهالیسندن حشمت و محمد و حسن پهلوان و نعمان
اغالرک و کیلی اسماعیل زهدی افندی یوم معینده
دائرده کلوب میزعلیه آق کوپری قریه سی اهالیسی
گلدکیرندن وکیل مومی الیهک ایضاحات شفاهیہ -
سیله باش مدعی عمومی معاونلرندن سعادتلو
یورغاکی افندینک مطالعه سی استماع قلندقدن
صکره تدقیقات تمیزیہ اجرا سنه ابتدار
اولندی .

اعلام مذکورک خلاصه ۰الی مرقومون
حشمت و محمد و حسن پهلوان و نعمان اغالر کوچ

صورته اجرا قلنامش اولمسنه مبنی اعتراضات
واقعہ نك موافق قانون اولدینی بیانندن عبارت
بولمشدر .

ایجابی مذاکره اولندقدہ اعلام مذکور
مندرجاتندن ۱ کلاشدیغه کوره محل منازع فیهک
من القیم قریه لری اهالیسنک حیواناتنه مخصوص
مرعی اولدینی مدعی بکران قریه سی اهالیسنک
ادعا ایلمش اولمیرینه نظراً فی الواقع محل مذکورک
بکران و مشترک اولدینی کوستریلان دیگر قری
وقصه اهالیسی حیواناتنک رعینه مخصوص مرعی
اولدینک محل مذکوردن انتقای اولیان موثوق
شاهد اقامه سیله مدعیله اثبات ایتدیر یلرک
ثبوتی داخلنده کما کان مرعی اولمق اوزره ترکنه
حکم ویرلسی لازم کور ایکن محکمه استینافیه جه
بو یولده اجرای محاکمه و تدقیقات اولمیرق
اولباده استناد اولنان مواد قانونیه یاکلش معنی
ویریلرک محل مذکورک اراضی مواتدن اولدینی
بیانیله برمنوال محرر قرار ویرلسی اصول وقانونه
مغایر اولدیندن اصول محاکمه حقوقیه قانوننک
ایکیوز اوتوز ایکنجی ماده سی موجبجه اعلام
مذکورک تقضیه قانون مذکورک ایکیوز قرق
دردنجی ماده سی حکمنه توفیقاً کیفیتک صورت
مشروحه دائره سنده یکیدن بالرؤیه اعلامه ربطی
ضمننده محکمه مذکوره یه اعاده سنه وزیرده مقرر داتی

قریه سی حدودی داخلنده کائن باطایو عهده
تصرفلرنده بولنان معلوم الحدود الی دونم مقداری
اراضی یه مذکور آق کوپری قریه سی اهالیسی
جانبندن وقوعبولان مداخله نك منعی طلب وادعا
ایتمشرایسده اراضی مذکورک ذکر اولنان
آق کوپری قریه سی حدودی داخلنده اولهرق
اهالیسنک تصرفنده بولدینی اولباده اجرا
قلناسان کشف و تدقیقات ایله تبیین ایتسنه مبنی
مدعی مرقومک رد ادعاسنه حکمدن و مستدعی
تمیزلر وکیلک اشبو اعلام علیهنده باشلوجه
اعتراضاتی قریتین مذکور تین اهالیسنک قوم
محصور اولوب اولمقلری تدقیق اولمقسزین
تشکیل طرفین اولنسی مغایر قانون اولدینندن
بجمله اعلامک نقضی استدعاسندن و میز علیہ
آق کوپری قریه سی اهالیسنک لایحه لرنده محرر
نتیجه اجوبه سی اعتراضات مسروده نك غیر وار
بولدینی بیانیله ردی و موافق اصول و قانون
اولان اعلامک تصدیق طلبندن و معاون مومی
الیهک مطالعه سی دخی قریتینک قوم محصور اولوب
اولمقلرینک تحقیق ایله قانون دائره سنده تشکیل
طرفین ایدلماش و کشف تقریری اصول محاکمه
حقوقیه نك التمش اوچنجی ماده سنده توفیقاً طرفینه
تبلیغ ایتدیر یلرک کشف واقع قانونه موافق

طوقوزنجی ماده سی موجب جبهه تدقیقات تمیزیه
اجرا سانه ابتدار قلندی .

اعلام مذکورك خلاصه مالى من بوره
خریسی قادیك امره محرر برقطعه سند موجب جبهه
برادری مرقوم استبان ذمتده غیر از استیفا
مطلوبی بولنان یتش عدد لیرای عثمانیک مع فائض
تحصیلی طلب وادعا ایتسه قارشو مرقوم استبان
مذکور سند زیرنده کی امضا کندوسنك اولدینی
اقرارایدوب انحق مبلغ مدعا به محسوباً من بوره نك
زوجی مغردیجوفه تسلیاتی ودعوی واقعه ده
مرور زمان بولندیفی مدافعه در میان ایتش
ایسه ده خصوص مذکور دن طولانی اقدجبه
طرفین بیننده دعوی سبقت ایلیدی قیداً تحقق
ایتسه وسند مذکورده کی امضا مدیون مرقومك
اولدینی اقرار یله ثابت اولغله تقادم زمان ایله حق
ساقط اوله میه جفته بناءً مجله نك بیک بشیوزسکسان
یدنجی و بیک سکر یوز اون یدنجی ماده لری
منطوق جبهه مدعا به یتش لیرانك مع گذشته مدیون
مرقوم استبانندن تحصیلنه حکمدن ومستدعی تمیز
وکیلنك اشبوعاعلام علیه بنده لایحه سنده محرر
اعتراضاتنك باشلوجه سی مبرز سند تاریخله دعوی
عرضحالی تاریخنه قدر ارادن گذران ایدن مدته

موجب جبهه اعلام مذکورك تفضیله ایکوز قرق
دردنجی ماده سانه توفیقاً کیفیتك صور مشروحه
دائرة سنده یکیدن بالرؤ به اعلامه ربطی ضمنتده
محکمه مذکوریه اعاده سانه و زیرده مفرداتی
مرقم بشیوز اون اوج غروش مصارف محاکمه نك
ایلروده حقسنر چیه حق طرفه رجوع ایتك
اوزره اول امرده مستدعی تمیز مرقوموندن
المنه ۲۵ مایس سنه ۳۰۹ تاریخنده متفقاً قرار
ویریلرک تفهیم قلندی .

اقتشر بدایت محکمه سندن تجارت صفی
و ۳۶ اغستوس سنه ۳۰۸ تاریخى واوج عددی
ایله ویریلان اعلامك تمیز نی استدعایدن اقتشر
قضاسنك قارشو محله سنده مقیم عواقیان استبان
وکیل اوخانس موسدیحیان افندی ایله میز علیها
محله من بوره ده ساکنه مغردیجوف زوجیه سی
خریسی قادین یوم معینده دائره به کلدکلرندن
اصول محاکمه حقوقیه قانونك ایکوز یکر می

نظراً دعوی واقعه ده مرور زمان اولدینی حالده
محکمه جبهه بوراسانه دقت اولنمائی مغایر قانون
اولدینندن بئله اعلامك تقضی استدعا سندن
ومیز علیه نك لایحه سنده مندرج نتیجه جوابی دخی
حکم واقع موافق اصول وقانون اولوب اعتراضات
مسروده نك غیر وارد اولدینی بیانیله اعلامك
تصدیقی طلبندن عبارتدر .

ایجابی مذاکره اولندقدده اعلام مذکور
مآلندن اکلشلدینی اوزره مستند ادعا اولان
سند کرچه امره محرر ایسه ده فائض مقاوله سی
شامل اولسینه سندات عادیه دن اولدینی کی
مدعی علیه دخی صنف تجارندن اولمامسینه
وهردعوانك مدعی علیهك تابع اولدینی محکمه ده
فصل وحسی قانوناً مقتضی بولمنسه کوره دعوی
واقعه نك مرجع رؤیتی حقوق عادیه محکمه سی
اولدینی حالده اقتشر بدایت محکمه سنجبه بورالری
نظر دقتیه النیه رق سند مذکورك امره محرر
اولسندن طولانی دعوی مذکور نك تجارت
صفیله بالرؤیه برمنوال محرر تحت حکمه النسی
وظیفه خارجنده اوله رق مغایر قانون اولدیغه بناءً
اصول محاکمه حقوقیه قانونك ایکوز قرق برنجی
ماده سی موجب جبهه اعلام مذکورك تفضیله قانون

من بورك ایکوز قرق دردنجی ماده سانه توفیقاً
کیفیتك صور مشروحه دائره سنده یکیدن بالرؤیه
اعلامه ربطی ضمنتده اقتشر بدایت محکمه سانه
ارسالنه وزیرده مفرداتی مرقم درتیوز اون درت
بجق غروش مصارف محاکمه نك ایلروده حقسنر
چیه حق طرفه رجوع ایتك اوزره اول امرده
مستدعی تمیزدن المنه ۵ تشرین اول سنه ۳۰۹
تاریخنده متفقاً قرار ویرلدی .

اعلان

احمدك اقچه سی جبراً اخذ ایلدکری ادعاسیله
مظنون علیهما اولوب حرکتلری قانون جزانك
یوز اون سکرنجی ماده سی حکمه توفیقاً جنایتله
اتهاملرینه قرار ویریلان غیرموقوف اورته بویلی
دوز النلی الا کوزلی سیوری برونی اورته اغزلی
مطروش چکلی عن اصل مناسترلی اولوب بک

بش یاشلارنده خلیل قلفه اوغلی محمد بن خلیلک
فعل مذ کوره جراتی اکلاشلمش و حرکتی قانون
جزانک یوزیتمشجی ماده سنه موافق افعال جنائیهدن
اولوب اولوجهله اصول محاکات جزائیة قانوننک
باب رابعنک فصل نایسنده محرر مواد احکامنه
توفیقاً از مید جزا محکمه سنده غیاباً محاکمه سی
اجرا قلنمق اوزره جنایتله اتهامنه قرار ویرلد .
یکندن متهم مرقومک اخذ و کرفیله محکمه
مذ کوره توقیفخانه سنه ارسالی لازم کله چکی بالجله
ضابطه عدلیه مأمورلرینک معلومی اولمق اوزره
اشبو اخذ و کرفت مذ کوره سی در سعادت هیئت
اتهامیه سندن اعطا قلندی .

فی ۲۴ تشرین ثانی سنه ۳۰۹

اوچیوز التی سنه سی تشرین نایسنک اون
طقوزنجی بازار کونی اقشام اوزری ساعت اونبر
راده لرنده امین جامع شریفی جوارنده تبعه دولت

اوغلنده یکی شهرده ببل دره سننده بازار محله
آشجی خرسونک دکاننده دستکاهداریق ایدن
یکرمی یاشنده دیمتری ولد یورکی ایله وادی
فرارده بولنان اوزون بویلی مائی کوزلی تربیقلی
بالطو پانطلون اکسایدیر یکرمی یاشلارنده روم
ملتندن مارقونک اصول محاکات جزائیة قانوننک
باب رابعنک فصل نایسنده محرر مواد احکامنه
توفیقاً در سعادت جنایت محکمه سنده محاکمه لری
اجرا اولنمق اوزره مرقومانک هر زده کوریلور
ایسه طوتیلوب محکمه مذ کوره توقیفخانه سنه
تسلیملری لازم کله چکی بالجله ضابطه عدلیه
مأمورلرینک معلومی اولمق اوزره اشبو اخذ
و کرفت مذ کوره سی در سعادت هیئت اتهامیه سندن
بالتنظیم اعطا قلندی .

فی ۱۸ تشرین ثانی سنه ۳۰۹

جوبان بوشناق محمدی قتل ایلدیکی ادعاسیله
مظنون علیه اولوب فرارده بولنان اورته بویلی
آجیق آتلی الا کوزلی سیاه قاش وصاچلی یکرمی

علیه دن دامپانوسی طاشله ضرب و جرح ایدرک
مرقومک مؤخرأ اثر جرحدن متأثراً وفات
ایلمسندن طولایی مظنون علیه اولان و اولوقت
جامع شریف مذکور جوارنده مولو یخانه
زقاعنده طقوز نومرولی خانه نک بر او طه سنده
ساکن اولوب تبه باشنده شیخ طلعت افندیکنک
خانی تحتنده کی آشجی دکاننده چراقلق ایدن اورته
بویلی بوارلق چهره لی الا کوزلی سیاه قاش
وصاچلی اون سکر یاشنده تبعه مشارالیه ابدن
ردوسی دیونس ولد پنا یوط فرار ایتمسندن
و حقنده اجرا قلنان تحقیقات اوزربنه جنایتله
اتهامنه قرار ویرلمسندن ناشی اصول محاکات
جزائیة قانوننک اوچیوز یتیش برنجی ماده سی
موجبینجه معامله مقتضیه قانونیه ایفا و محاکمه
علنیة غیابیة سی بالاجرا قانون جزانک یوز یتیش
دردنجی ماده سنک فقره اولیسنه توفیقاً اون بش
سنه مدته کورکه قونلمسنه و اوتوز برنجی ماده
منطوقنجه حقوق مدنیهدن بالاسقاط اموالنک
حبزیننه محکمه جنایتدن حکم اعطا قلنمش و ذکر
اولنان اصول محاکات جزائیة قانوننک اوچیوز
یتیش بدی و اوچیوز یتیش سکرنجی و اوچیوز
سکسان برنجی ماده لر یله مواد سائره سی احکامنه
توفیق معامله اولنمسی مرجعنه بیلدیرلش اولمغله

اعلان کیفیته ابتدار اولندی .

فی ۴ جمادی الاخر سنه ۳۱۱

وفی ۱ کانون اول سنه ۳۰۹

اوچیوز سکر سنه سی حزراننک یدنجی
بازار ایرتسی کونی یکی کویده اسکله باشنده
یانقونک قهوه سننده صورتی ایله نیقولی بی قتل
قصیدله وروولور قورشونیه جرح و نیقوله
واسیلاروی ضرب ایتمسندن طولایی مظنون علیه
اولان یکی کویده اه و یردی نظرت افندیکنک
باغنده بقچوانلق ایتمکده اولان قصه بویلی اسمر
یوزلی لازو چونقوویج اوغلی خروات طودورینک
فرار ایتمسندن و حقنده اجرا قلنان تحقیقات اوزربنه
هیئت اتهامیه دن جنایتله اتهامنه قرار ویرلمکدن
ناشی اصول محاکات جزائیة قانوننک اوچیوز
یتیش برنجی ماده سی موجبینجه معامله مقتضیه
قانونیه ایفا و محاکمه علنیة غیابیة سی بالاجرا
جزا قانوننامه هایوننک یوز سکساننجی ماده سنه
توفیقاً بش سنه مدته کورکه قونلمسنه و اوتوز

برنجی ماده حکمجه حقوق مدنیه دن بالاسقاط
اموالک حمزیه محکمه جنایتدن غیاباً حکم
اولمش و ذکر اوانان اصول محاکمات جزائیه
قانونسک اوچوز یتش یدنجی و اوچوز یتش
سکرنجی و اوچوز سکسان برنجی ماده لریله مواد
سائره سی احکامنه توفیق معامله اولمشی مرجعه
بیلدیرلش اولمغه اعلان کیفیته ابتدار اولندی .

فی ۴ جمادی الاخر سنه ۳۱۱

وفی ۱ کانون اول سنه ۳۰۹

اوچوز سکر سنه سی اعشارینه اولان دیندن
طولایی بالیکسری عینی زاده حق افندیکنک محجوز
اولوب عندالمزایده قفلی قیوسنده اوج اولک باغی
درتیوز و قومباغلرده بردونم باغی درتیوز غروش
بدللرله طالبی عهده سنده تقرر ایدرک موقت
قرارداده لری کشیده قلمغه تاریخ اعلاندن اوتوز
برکونه قدر یوزده بش ضمیمه طالب اولانلرک
قره سی اجرا دائره سنه مراجعت ایلملری

اعلان اولنور .

فی ۱۸ تشرین ثانی سنه ۳۰۹

علی خسرو افندیکنک متوفی یانقو مارقونک
صغیره کریمه سی ماطیونک و صیسی والده سی انیقه
قادین علیهنه درسعات بدایت محکمه سی ایکنجی
حقوق دائره سندن استحصال ایلدیکی اعلام
موجبجه مرهون و فروختی محکوم بولنان فائده
عبدی صوباشی محله سنده مکتب سواقغنده واقع
درت نومرولی خانه نک تاریخ اعلاندن اعتباراً
اون بش کون صکره بالمزایده فروخته تشبث
اولنه جفی درسعات اعلامات نظامیه اجرا
دائره سندن اعلان اولنور .

فی ۲۹ تشرین ثانی سنه ۳۰۹

متوفی رفیق بکک صراف موراثقه
درسعات بدایت محکمه سی برنجی حقوق

دائره سندن اعطا قلنسان برقطه اعلام موجبجه
محکوم به دینی مقابلی متوفانک حال حیاتنده ترهین
ایدوب فروختی محکوم بولنان و متوفانک مخدومی
امین بکه عادیاً انتقال ایلیان اسکدارده حاجه حسنی
خاتون محله سنده پاشا لیانی ایجادیه جاده سیله
شمس الدین افندی زقاغنده واقع برقطه عرصه دن
مفرز غیر از طریق بیک یتش ایکی زراع محک
تاریخ اعلاندن اعتباراً اون بش کون صکره
بالمزایده فروخته تشبث اولنه جفی درسعات
اعلامات نظامیه اجرا دائره سندن اعلان
اولنور .

فی ۲۹ تشرین ثانی سنه ۳۰۹

بک اوغلنده تپه باشنده درسعات غازشرکتی
مأمورلرندن اوسقار قربانک سیمون وقومپانیه سی
وسیمون قنیغ وقومپانیه سی مدیری غلطه ده برکت
خاننده ۱۲ و ۱۴ نومرولی اوطه لرده مقیم المانیا
دولتی تبعه سندن موسیو ف سیمون ذمتنده برقطه
سند موجبجه یدییوز الی عسدر لیرای عثمانی
الاجفناک تحصیلی حقنده برنجی محکمه تجارنده

اقامه ایلدیکی دعوانک فصل و خصمی ضمیمه
مباشری یعقوب اغا معرفتیه مرقوم ف سیمونه
تبلیغ اولنق اوزره درسعات المانیا سفارتنه
کوندیریلان دعوتیه ورقه سی زیرینه یازیلان
شرحده مدعی علیهک غلطه ده برکت خاننده
اقامتگاهی بولندیجی جهتله مذکور دعوتیه
ورقه سی تبلیغ اولنه مدینی بیان اولمش و مدعی
ایسه اعلاناً تبلیغات قانونیه نک اجراسنی طلب
ایلمش اولدیغندن مذکور دعوانک فصل ورؤیتی
ایچون تعیین اولنان اشبو بیک اوچوز طقوز
سنه سی کانون اولک یکرمی بشنجی جمعه ایرتسی
کونی ساعت یدیده مرقوم ف سیمونک بالذات
محکمه ده حاضر بولنسی و یاخود مصدق سنده
بروکیسل کوندرسی لازم کله جکی وشاید کلز
وطرفندن وکیل دخی کوندرمزایسه حقنده اقتضا
ایدن معامله قانونیه نک اجرا اولنه جفی معلوم اولق
اوزره تنظیم اولنان دعوتیه ورقه سی محکمه نک
دیوانخانه سنه تعلیق اولندیجی کی اعلان کیفیته
ابتدار قلندی .

فی ۲ جمادی الاخر سنه ۳۱۱

وفی ۲۹ تشرین ثانی سنه ۳۰۹

چاقا قجیلر یقوشنده کوجک یکی خاندہ مقیم
لازارا کی حاجی یوان اوغلنک اقامتکاهی مجهول
اولدینی خبر ویریلان خرستو ولد زبسی قالفه علیهنه
درسمادت محکمہ تجارتی ایکنجی مجلسنده اقامه
ایلدیکی یمشیدی عدد عثمانلی لیراسی ایله سکسان
بش غروش مطلوبات اداامی اوچوز طقوز
سنه سی کانون اولک اون اوچنجی بازار ایرتسی
کونی ساعت بدیده فصل ورؤیت اولنه جفندن
یوم ووقت مذکورده مرقوم خرستو ولد زبسی
قالفه نک بالذات محکمہ مذکورده حاضر بولندی
ویا خود مصدق سندله بروکیل کوندرمی لازم
کله جکی شایدکلز و طرفندن وکیل کوندرمز ایسه
حقنده معاملہ قانونیه نک اجرا اولنه جنی معلوم
اولق اوزره تنظیم اولسان دعوتیه ورقه سی
محکمہ نک دیوانخانه سنه تعلیق اولدینی کبی اوراق
حوادث واسطه سیله دخی اعلان کیفیتہ
ابتدار قانندی .

فی ۴ جمادی الاخر سنه ۳۱۱

وفی ۱ کانون اول سنه ۳۰۹

تجاردن متوفی حاجی محمود افندی ورثه سی
مصطفی و عثمان و کامل و محمد علی افندیلرایله عایشه
خانم قوسطه و پنا یوط و پاندیل و محمد افندی
ذمتلرندہ جهت کفالتدن بااعلامی تجارت الاجنی
اولان اقیچہ نک تأمین استیفاسی ایچون صویولی
ناحیه سنده واقع اولوب مقدما تحت حجزه
الدریش اولان مدیونلردن قوسطه و پاندیلینک
القی قطعہ اراضی معلومه دن ارتاً متصرف اولدقاری
اون الی حصہ اعتباریله بر حصہ لری وبال اوغلی
پنا یوطک دخی مستقلاً متصرف اولدینی اون
قطعہ اراضینک بالمزایدہ فروختنه درسمادت
تجارت اجراد اثره سنجه قرار ویریش و علی الاصول
فروختنه ریاست مشارالیه دن اشعارایدیش اولغله
اشبوتارینندن اعتباراً اونیش کون صکره مزایدہ یه
ویریله جکندن طالب اولنلر ودها زیاده معلومات
المق استیانلر چکمجه صغیر بدایت محکمہ سی اجرا
دائرہ سنه مراجعت ایلملری اعلان اولنور .

فی ۲ کانون اول سنه ۳۰۹